

حقوقى بىلىپلەر مجموعهسى

هر آيك اون بيشده نشر اولئور

ایتمدیکسندن عینی زمانده قانونی ده اولماز . بورج ایچون حبس ، جرمدن منبعث جزالره مماثل اولماسه عینی نتیجه یی تولید اتمهز، بورجلیک کیزلی مالنی ظالمره اخراج و کندیسنی ابراز مساعی ایله بورجی اوده مکه مجبور اتمک ایچون قونولمسنه رغماً نهایت حریت شخصیه یی تحدید ایدن برعامله در. بونی قیاساً تشمیل جائز اولماز .

اجرا قانوننیزک ۱۳۱ نجی ماده سی انتظام عامه ایله علاقه دار برحکمی حاوی اولدیغندن بورجلی مقاله نامه ده تمهذک اخلاقی حالتده حبسی حقنده حق اعتراضی اسقاط ایتمدیکنی تصریح اتمس اولسه بيله اخبار نامه مدتی ظرفنده قانونک تعریفی دائره سنده وجیهه سی ایضا ایدرسه ینه حبس جائز اولماز . باخصوص قانوننیز اجرا حبسی بعض شرطلره تقید ایدرک لازمه عدالتی ایضا ایتمدیکسندن خلافه اجتهاد قانونک روحنه ولفظنه مغایر در. مذکور قانونک ۴۸ نجی ماده سننده اجرا طریقلری حیز اموال و حبس اوله رق تعیین ایدلکدن سوکره (فصل مخصوص حکمنه توفیقاً مدیون حبس صورتیله دخی ایضای دینه جبر و تضییق اولنور.) دیلمشدرکه فصل مخصوصه کی صراحت خارچنده حبس اصوله مراجعت ایدیله میه چکی خصوصی قانوننیزک بو صراحتندن ده واضحاً آ کلاشیلیر . بوایکنجی اجتهاد اجرا دائره لریمزده همان همان عمومی بر صورتده قبول ایدلش اولوب زجده بو کونکی حقوق مفکوره سنه، قانونه و عدالته ده موافق در .

استانبول اجرا رئیسی حاکم اوغلی

احمد رفیع

مقرری بلیکله جمعیتی تبعلتده :

پولیچه لرده جرائطه لرك حق رجوعنده کی مرور زمان

[جمعیتک حقوق مدنیه واجتماعیه انجمنی مایسک نجی کونته مصادف پنجشنبه کونی ساعت بشده غاد فراقو بک یازخانه سنده اجتماع ایشدر . اوتوزه یقین رفقاتک حضوریه عقد ایدیان اجتماعده اسعد بک آشاغیده کی تبیی قرائت ایشدر .]

تدقیقی استهداف ایدیلان مسأله شودر :

تجارت قانوننک ۵۹۷ نجی ماده سنک اوچتجی فقره سی (جرائطه لرك یکدیگری علیه ویا بونلرك کشیده چی علیه اقامه ایده چکی دعوی جرائطه لرك پولیچه یی تأدییه ایتمدیکنی

یا خود کندی علیه اقامه دعوی اولندی تاریخن آلتی ماه مروریه ساقط اولور
حکمی احتوا ایتمکده در . حالوکه بر پولیچه ده بالفرض یکرمی اوتوز . . . الخ
جرانطه موجود اولایلیر . هر جرانطه ایچون ۶ ماه مدت قبول ایدیش اولماسنه نظراً
اشبو فقره قانونیه ده کی مدت ۱۰، ۱۵ الخ سنه به بالغ اولماسه بر مانع یوقدر . حالوکه
بالتیجه حادثه نك یا کشیده جی به ویا قبول ایدن کیمسه به انتقال ایده جکی طبعیدر .

فقط قبول ایدن کیمسه ایچون اوج سنه (۵۹۷ نجی ماده، فقره ۱) و کشیده جی ایچون ده
بر سنه (عینی ماده، فقره ۲) مدت واردر . شو حالده ۸ جرانطه نك موجودتی فرض
اولورسه ایلک جرانطه به مراجعت اوج ییحق سنه سوکره کله جک و ساء علیه اوده
کشیده جی به ویا قبول ایدن کیمسه به امکان مراجعت بولامه جقدر . دیمک که ۵۹۷ نجی
ماده بالضرور کندی کنندی ایحا ایدن بر تناقض ایچنده قالیور .

تجارت قانونمزک بو خصوصه متفرع احکامنه هیچ بر مأخذ قبول ایتمز ایسه ک تسلیم
ایتمه لی زک بو تناقض موجوددر و بوندن قورتله نك ده امکانی یوقدر . متنک صراحت
قطعی سی بو تناقضی احتوا ایدیور . مسأله نك قانونی جهتی بر طرف ایدرک اول امرده
حقوقی صفحه سنی تدقیق ایتدی کمز زمان ینه عینی نتیجه به واریوروز . فی الحقیقه واضع
قانون سندات تجاریه عنوان عمومی تحتنده اوج نوع سنددن بحث ایدیور .

۱ — پولیچه ؛

۲ — امره محرر سند ؛

۳ — چک ؛

چک کوریلدی کسندۀ تأدیسه سی لازم کله سنه نظراً بر واسطه تأدیهدر .

امره محرر سند ممضی سنک اعتبارینه استناداً معین بر مدت ظرفنده نقد کبی تداول
ومدتی ختامنده نقده تحویل ایدر . دیمک که بر واسطه تداول ماهیتی عرض ایلر .

پولیچه ده مسأله ده کیشیور . چونکه پولیچه نك احداثه سائق اولان عامل بسبتون
باشقهدر . ایکی فرد آراسنده کی معامله دن دولانی (تقاص و محسوب نظریه سنک قبولی
استلزام ایدن عامل نه ایسه پولیچه نك احداثه عامل اولان ده اودر .

سزدن یوز لیرا مطلوبه مقابل سزه عینی مقدار بورجم اولورسه سزه پاره بی تسویه به

وبعد آلاجنی استیفاء لزوج قالماز . هرایکی آلاجی یکدیگری اطفایدر . ایسته هرهانکی برپاسه نك دیگر پاسه اوزرینه اولان بورجی ده پاره نك نقلی کلفته حاجت قالمق سزین تقاض و محسوب ایدیله بيلمه سنی تأمین ایدن واسطه یه پولیچه دیوروز [۱] . دیمک که پولیچه نك اک مهم خصوصیتی (نقل نقود) در .

شوصورتله سندات تجاریه نك ماهیتی تثبیت ایتدکن صوکره صده رجوع ایده بیلیرز . تجارت قانونک ۵۲۷ نجی ماده سنده بر پولیچه نك احتوا ایتمه سی لازم کلن قیود تصریح ایدیلشدر . اشبو قیود آراسنده بلا قید و شرط معین بر مبلغ تأدیه سی ایچون توکیلده موجوددر . توکیل ایدن کیمسه یه کشیده جی، قبول ایدن کیمسه یه مخاطبه، وکیل اولان کیمسه یه ده حامل دیوروز .

تماماً پولیچه ساحه سنه کیرمک ایچون وکیل اولان کیمسه نك (یعنی حامل) موکله یعنی کشیده جی یه مخاطبدن آلاجنی مبلغک معادلنی ده ویردیکی فرض ایتمه یه مجبوروز . شو حالده مخاطبدن پاره نی تحصیل ایدمه یه ن حامل موکلی اولان کشیده جی یه، حقوقاً حق رجوعی واردر . حالوکه بو حق رجوعک استعمالی ایچون بر سه مدت تعیین اولمشدر . بو مدتک مرورندن صوکره آرتق وکیلک حق رجوعی قالیور . کورولیور که جرائطه نك تعددی حالنده هر جرائطه ایچون آلتی آی مهل قبول ایدیله جک اولور سه ایلک حامل محل استفادن تماماً محروم قالا جقدر . آلتی آی مهلک عدم قبوله ایسه صراحت قانونیه بر مانع تشکیل ایدیور . بناء علیه نه کبی بر صورت حل بولمالی بر سؤالی مواجهه سنده قالیوروز .

اشبو ماده قانونیه ۱۹۱۲ سنه سنده لاهیده انعقاد ایدن جک، پولیچه .. الخ متفرع احکام حقوقیه نك توحیدینه متدائر اولان قونفرانسک احضار ایتدیکی ایلک پروژهدن اقتباس ایدیلشدر . مذکور پروژهنک مرور زمانه متدائر اولان ۸۲ نجی ماده سنی نقل ایدم .

فقره ۱ — پولیچه دن متولد اولارق قبول ایدن و مخاطبه آوال ویرنه کیمسه لر علیه نده کی کافه دعاوی حلول وعده تاریخندن اعتباراً اوچ سنه کچمکله مرور زمانه اوغرار .

فقره ۲ — حاملک جرائطه لر و کشیده جی ایله کفیللری علیه نده اقامه ایده جکی دعوالر حلول وعده ویا وقت معینده تنظیم ایدیلش پروتستو تاریخندن اعتباراً آلتی آی کچمه سیله مرور زمانه اوغرار .

فقره ۳ — جرائطه لرك يكديكرى و يا كشيده جى عليه اقامه ايده جكلى دعوى جرائطه نك پوليجيه تاديه ايتديكى و يا قبل التاديه عليه اقامه دعوى اولندينى تاريخدن اعتباراً آلى آى كچمه سيله مرور زمانه اوغرار .

فقره ۴ — مرور زمان قطعنى مستلزم معامله كيمك حقنده ياپيلمش ايسه آنجق اونك حقنده حكم افاده ايدر .

فقره ۵ — پوليجه بدلنى تاديه ايدن و يا عليه اقامه دعوى اولنان هر مضى ۵۵ نجى ماده ده محرر مدت و شرائط دائره سنده كندى جرائطه سنه كيفيتى بيلديرمكه مجبوردر . بو اخباره مطلع اولان جرائطه ده كندى جرائطه سنه كيفيتى ابلاغ ايدر و كشيده جيه بو موال اوزره معامله ياپيلير .

فقره اخيره ده موضوع بحث ايديلان ۵۵ نجى ماده ده كوزدن كچيره لم :

فقره ۱ — حامل پروتسو و يا مصرفىز اعاده سى مشروط ايسه ابراز كونى تعقيب ايدن ايكي ايش كونى ظرفنده عدم قبول و يا عدم تاديه كيفيتلرينى كندى جرائطه سنه بيلديرمكه مجبوردر .

فقره ۲ — هر جرائطه عيى مدت ظرفنده متقدم جرائطه يه كنديسنه واقع اولان اخبارات صورتى ابلاغه مجبوردر . بو مدت هر جرائطه ايچون كنديسنه اخبارات وقوع بولدينى تاريخدن اعتباراً جريان ايدر .

فقره ۳ — بوندن ماعدا حامل دوت بش كون ظرفنده عدم تاديه كيفيتى دوغريدن دوغرى يه كشيده جيه ابلاغ مجبوريتنده در .

فقره ۴ — بو اخبارلر تهمللى مکتوبله ياپيلير ، مکتوبك اشبو مدتله ظرفنده پوسته خانه يه توديعى كافيدر .

فقره ۵ — مرسله طرفندن مورخ اولارق امضا ايديلان بر مقبوضه خصوصى اخبار اثبات اوله سيلور .

فقره ۶ — جرائطه لردن برى آدرسنى يازماديني و يا امضاسى اوقونماز بر شكلده آنديني تقديرده اخبار اوندن اولكى جرائطه يه ياپيلير .

فقره ۷ — عدم تاديه كيفيتى وقتنده اخبار اتمين كيمسه نك حقى ضايع اولماز (n'en court pas de déchéance) فقط بو اهمالدن طولاي بر ضرر تولد ايتمش ايسه او ضررى ضامن اولور .

اشبو ماده ايله تجارت قانونى ۵۷۱ نجى مادهسى آراسنده كى مشابهت شايان قىددىر. فقط بومشابهت خصوصنده تماس ايتىدن اول پروژىنىك مواد معروضه سىنه مخالف مختلف حكومتلر طرفندن واقع اولان تعديللار تكليفلىرى كوزدن كچيرمكى قاندهدن خالى كورمىدم. آلمان حكومتىك و برىدىكى مقابل پروژىده،

۵۵ نجى مادهنىك ايكىنجى فقرهسى مقامه :

(هر جرائطه عىنى مدت ظرفىنده مقدم جرائطه اىلدىنى اخبارله برابر اخبارده بولتان او جرائطه لرك اسملىرى و آدرسلىرى بىلدىر مكه مجبوردر . كشىده جى نه قدر بومىنوال اوزره معامله ياپىلور . مدت كندىسنى اخبارك وقوع بولدىنى تاريخدن باشلار) جمله سىك و درت و بشىنجى فقره ل مقامه در .

(مدنىك محافظه سى اخبار مكتوبىنىك قانونده معين مدت ظرفىنده پوستىه تودىي ايله قابىلدر . تعمىلى كوندرىلەين مكتوبىدن متولد ضرر مرسله عاندىر) حكمنىك علاوه سىنى تكليف ايتىشدىر . بوندىن ماعدا مرور زمانه متعلق اولان ۸۲ نجى مادهنىك فقره رابعه سىنده (مرور زمان قطعى مستلزم معامله كىمك حقنده ياپىلمش ايسه آنحق اولك حقنده حكم افاده ايدىر) دىلىلوردى . حالبوكه آلمانىا حكومتىك مقابل پروژىسنىده مرور زمانك قطعى مستلزم اسبابك ذكر ايدىلەمسى و بوخصوصك هر دولتك قانون خصوصىسنىه تودىي بين المللى قيمت تداولىنى حائز اولان پولىچىلر ايجون مهم برىقسان اولق اوزره كوسترىلشدر . بناءً عليه مرور زمانى قطع ايدىن اسبابك تحدىدى برىشكلىده ذكرى طلب اولىوردى .

اوسترىا حكومتى ۵۵ نجى ماده حقنده هىچ برىتعديل تكليف ايتەمش و ۸۲ نجى ماده ايجون آلمانىك نقطه نظرىنى التزام ايتىشدىر . مجارستان حكومتى ۵۵ نجى مادهده كى اخبار كىفىتىك پروتستوى كشىده مامور اولان مقام طرفندن ياپىلماسنى تكليف ايتىش و ۸۲ نجى مادهنىكده مستقل اوچ ماده به تفرىقى ايتەمشدر . چونكه :

اولا — بين المللى معاملانىك انكشافى نظر دفته آلترىسه ۸۲ نجى مادهنىك برىنجى فقره سنىده كى ۲ سنىه مدت بك فضله اولدىنى آكلاشلىر . آلمان قانون مدنىسى ۱۹۶ نجى مادهسى ايله معاملات روزمره كى برىجوغى ايكى سنىلك مرور زمانه تابع طوتىشدىر .

آلمان قانون مدیسنک بواساسی قبول ایتمه‌سنه سائق اولان فکر انضباط عدلی ملاحظه‌سی ایدی. قره‌دی معاملاتی کبی اوسه‌نک وارداتیله اطفاسی اقتصادیات نقطه‌سندن لازم اولان [۱] بر معامله‌نک اوزون برمرور زمانه تابع اولماسی ثروت عمومیه‌نی تکمله‌یه سوق ایده‌بیلیردی. ۱۵ سنه اول وارد اولان بوملاحظه بومعاملاتنک کثرت ووسعت حاضره‌سنه نظراً بوکون ده‌ا فضله‌سیله وارددر. بناءً علیه ۲ سنه‌لک مدتک برسنه‌یه تنزیلی لازم کلیر.

ثانیاً — پولیچه‌دن متولد تعهدات متسلسله، قبول ایدن کیمسه لهنده‌کی مرور زمان مدتک پولیچه‌دن دولای دیکر اصحاب تعهدک تابع اولدینی مدت تنزیلی شایار تمئیدر. بویالکتر مرور زمانک مدته دکل مبداًنده شامل اولمالیدر.

بناءً علیه آلاجل ایچون حق دعوی تحقّق ایتدیکی آدن یعنی حلول وعده‌دن اعتباراً مرور زمان جریان ایتلیر. واقعا قبول ایدن کیمسه‌نک تعهدنده مندیج اولان وجیهه‌نک ماهیته نظراً کشیده‌جیدن ده‌ا اوزون برمرور زمانه تابع اولماسی لازم کلیر. فقط بالعموم منفعتله حاکم اولان اسباب اقتصادی محیطک منفعتنه حاکمدر. بوسبیدن قبول ایدن کیمسه لهنده دخی برسنه مرور زمانک کافی کله‌سی لازمدر.

هرنه قدر پولیچه‌نی قبول ایدن کیمسه جرائطه‌لرک عددینی بیلمدیکی فرض اوله‌بیلیر وایشته بو احتمال نظر دفته آلدینی ایچوندرکه پروژه‌ده قبول ایدن کیمسه ایچون ۳ سنه مرور زمان قبول اولنشدر. فقط بومطالعه یالکتر مخاطب ایچون دکل بلکه پولیچه‌ده‌کی دیکر اصحاب تعهد ایچونده وارددر.

فی الحقیقه حقوقاً مسأله تحلیل اولنورسه کوریلیر که عرھانکی برجرائطه‌نک معروض مطالب اولماسی مدیون اصیل اولماسندن دولای دکلدر. بناءً علیه مدیونک نه قدر مدت ظرفنده مطالبه‌دن وارسته قالاغنی یلمسی نه قدر لازم‌ایسه کیفیک بیلمسی‌ده اودرجه لازمدر. ایشته بوسبیدن دولای پروژه زمانسک ۸۲ نجی ماده‌سی منفعتلری تنظیم ایده‌بیلجک ماهیت عرض ایتبور.

ثالثاً — قبول ایدن کیمسه‌نک تعهدنده مندیج اولان وجیهه‌نک خصوصیتی بو خصوصده‌کی مرور زمانک ۳ سنه‌یه ابلاغی ایله برطرف اولماز. چونکه مادامکه برپولیچه

اوزرنده کی جرائطه لرك تحديد عددينه امكان يوقدر . او حالده ۳ سنه نك قبولنده سائق اولان ملاحظه هيچ بر زمان تظمين ايديله مز . بناء عليه بو خصوصده دعوالرك نهايت بر مدت معينه ظرفنده اقامه سنه مانع اولقي اقتضا ايدر . ايشته بوسيله مينيدر كه صورت عموميه ده پوليجه ممتنع كرك رجوع وكرك استيفا دعوالرينك حلول وعده دن اعتباراً ۳ سنه ظرفنده مرور زمانه اوغرايه جغني تثبيت ايتمه لي يز .

رابعاً — مرور زماني قطع ايدن اسباب تحديد ايديله دجه عالم تجارنك پوليجه لرده كورمك ايستديكي امنيتي تاامين ممكن اولاماز . ايشته بو اسبابه بناء مرور زمانه متدائر احكامك نوسيعي اقتضا ايتمكده در . پروژنك موضوع بحث ايتديكمز ايكي ماده سي حقنده اك اساسلي تعديل تكييفلري بونلره منحصر قالمقده در . شيمدي بو ماده لرك مذاكره ضبطلريني تدقيق ايدلم .

ماده ۵۵ — موسيو ليون قان بو ماده ده كي مدتك دوت كونه ابلاغني تكييف ايتمش وتكييف واقع بحارستان و ژاپونيانك مخالفتنه و آلمانيا ، آوستريا ، دانمارقه و انگلتره نك استسكافه مقابل ۱۲ رأي ايله قبول ايدلمشدر .

موسيو ماهر ماده نك صوك فقره سنده ؛ ضرر وزيان مقدارينك پوليجه بدلي اصلا كچه مه مسي لازم كلديكني تكييف ايتمش بو خصوص متفقاً قبول اولومشدر .

ايشته بو بابده كي مذاكرات واتخاذ اولنان قرارل نظر دفته آلترسه پروژنك ۵۵ نجى ماده سنك على التقريب تجارت قانونك ۵۷۱ نجى ماده سنه انقلاب ايتديكني كوريزز . في الحقيقه ۵۷۱ نجى ماده :

فقره ۱ — حامل پروتسو كوتى يا خود پوليجه ده مصرفسز اعاده اولونا جغني شرطى موجود ايسه ابراز كوتى تعقيب ايدن دوت ايش كوني ظرفنده عدم قبول ويا عدم تأديه كيفيتلريني كندى جرائطه سيله كشيده جيه اخبار ايتمه ك مجبوردر .

فقره ۲ — كنديسنه اخبار واقع اولان هر جرائطه آلديني خبري ايكي كون ظرفنده كنديسنه اخبار ايدن لرك اسم ، ادرسلرينك دخي علاوه سيله كندى جرائطه سنه بيلد بركه مجبوردر .

فقره ۳ — كشيده جيه وارنجيه قادار بو منوال اوزره معامله ايديلير .

فقره ۴ — وعده ايلك خبرك آلديني تاريخدن اعتباراً جريانه باشلار .

بو صوك فقره نك اصلی شودر :

Le délai court de la réception de l'avis précédent

بناءً عليه فقره قانونیه نك اصله مطابقی ایچون (بومدت هر جرآنطه ایچون کندیسنه اخبارك وقوع بولدینی تاریخدن اعتباراً جریان ایدر) شکنده تثبیت ایدیله لی ایدی . فقره قانونیه ده کی (ایلك) قیدی برنجی اخباره معطوف اولوق لازم کیر . بو تقدیرده ایسه ایکنجی فقره نك قابلیت تطبیقیه سی قلاماز . بو سیدن (علی التقریب) قید احترازیسی قوللانمغه مجبور قالدیم .

فقره ۵ — بر جرآنطه آدره سی هیچ یازمامش ویاخود اوقونماسی ممکن اولمایه جق صورتده یازمش ایسه اخبارنامه نك آدن مقدم اولان جرآنطه یه تبلیغی کافیدر .

فقره ۶ — اخبار مجبوریتده بولنان کیسه نك بو خبری کاتب عدل معرفتیه تبلیغ ایتدیره سی لازمدر . بو فقره ده دخی بر تبدل واردر . چونکه اصلنده اخبارك تعمه لی مکتوبه یاپیلا بیله جکی وحی کیفیت اخبارك مرسل الیه ك تاریخی بر مقبوض ایله ائسانی ممکن اولدینی بیان ایدیلکده در . واضع قانونمرك بونقطه نظری قبول ایتدیکی آکلاشیلور . فقره ۷ — بیان اولنان مدت ظرفنده اخبارنامه کوندیرمین شخصك حق ساقط اولماز . (بو فقره نك مناقشه نه مرور زمان بحثده تماس ایده جكم)

فقره ۸ — وظیفه اخباری ایفاده تکاسل کوسترن شخص بوندن متولد ضرر وزیانی ضامن اولورسه ده بو ضرر وزیانك مقداری پولیچه نك بدلی تجاوز ایده مز .

مرور زمانه متدائر بولنان پروژهنك ۸۲نجی ماده سی اطرافنده کی مذاکرات ده شایان دقتدر . فی الحقیقه موسیو لیون قان فرانسه محاکمی ایله محافل تجاریه سنك اولباده طلبلرینه بناءً فقره ثانیه ده کی آلتی آی مدتک بر سنه یه ابلاغی مصرأ طلب ایتشدیر . فقط آلمان مرخصی موسیو سیمون قطعاً بوفکره طرفدار اولمایور ، اونك مطالعه سنجه فرانسه نك تکلیفی پولیچه داینلرینك لهنه در . فقط عبی زمانده مدیونلری ده دوشونمك مجبوریتی واردر . ماده نك ایکنجی واونجی فقره لرینه نظرأ آلتی آی مدت هر جرآنطه ایچون آیری آیری جریان ایده جکندن اون جرآنطه نك موجودیتی فرض ایدیلیرسه مرور زمان مدتی بش سنه یه بالغ اولور . بو پك فضله در ، قالدیکه آلمان قانونلرینه نظرأ اوروپاده تأدییه سی مقتضی پولیچه لر ایچون اوچ آیلق بر مرور زمان قبول اولونمشدیر . آلمان محافل تجاریه سنه بو مدتلری قبول ایتدیرمك امکانشدر .

ديگر طرفدن مرور زمان حسييله کشيده جي ويا مخاطبه مراجعت امکاتني بولاميان ايلک جرائطه لک حقوقني محافظه ايتمه مک بيوک بر حقسزلق اولديني حالده شو اوج سنه مرور زمان مدتي پوليجهلردن متولد بالعموم دعوالره تشميل لازم کلدیکی نقطه - لرنده مختلف مملکتلرک مرخصاري اصرار ايتمکده درلر .

متماقب جلسه ده مسأله يکيدن اوزون اوزادي يه مذا کره ايديلور . مذا کراتي اداره ايدن رئيس موسيو آسر مختلف رأيلرک اوج سؤال اطرافنده جمعي قابل اولديغني سويلد کدن صوکره سؤاللري شو صورتله تثبيت ايديلور .

۱ — پوليجه ده اوج سنه مک عمومي مرور زمانک قبولي لازم کيرمي ؟

۲ — جرائطه لره بخش اولنان آلتی ايلق مدنک برسنه يه ابلاغی ايجاب ايدرمي ؟

۳ — هر هانکي بر مدیونه مرور زمان مدته مانع اولق ايچون اشکالي بالا آخره تثبيت اولنه حق برورقه ايله کنديسنه تقدم ايدن جرائطه يه مراجعت حق بخش اولنالميدر ؟ بواوج سؤالدن هراوجي ده اکثریتک تصديقا اقراران ايديلور .

ايشته لايحه مک برنجي مذا کره سي بوضورتله ختام بولمدر . ايکنجي مذا کره ده ۸۲ نجی ماده مک حقوق بين الملل قوميسيونک تصويبي ايله شو شکلي اکتساب ايتديکني کوربيورز .

فقره ۱ — پوليجه دن متولد اولارق قبول ايدن کيمسه علمنده کافه دعوي حلول وعده دن اعتباراً اوج سنه کچمه سيله مرور زمانه اوغرار .

فقره ۲ — حاملک جرائطه لر وکشيده جي علمنه دعوا سي وقت معيننده تنظيم ايديلن پروتستو تاريخندن و (مصرفسز اعاده) شرطني محتوي پوليجهلرده دخي حلول وعده تاريخندن اعتباراً برسنه کچمه سيله مرور زمانه اوغرار .

فقره ۳ — جرائطه لرک يکديکري علمنه ويا بونلرک کشيده جي علمنه اقامه ايدم چکري دعوالر جرائطه مک پوليجه يي تأديه ايتديکي ويا قبل التأديه علمنه اقامه دعوي اولونديني تاريخندن آلتی ماه کچمکه مرور زمانه اوغرار .

پروژه مک اکتساب ايتديکي بوشکل ايله تجارت قانونمک ۵۹۷ نجی ماده سي آراسنده کي فرق پروژه ده (مرور زمانه اوغرار) تعبيرينک لسانمه (حق ساقط اولور) طرزنده نقل ايديله سندن عبارتدر .

عبارۀ قانونیہ مزدہ کی بو وضوح سزلق بالخاصہ ۵۷۱ نجی مادہ نك ۷ نجی فقرہ سیلہ بوسبتون قاریشور . فی الحقیقہ مذکور فقرہ (بیان اولتان مدت ظرفندہ اخبارنامہ کوندرمہین شخصك حق ساقط اولماز) دہیلیمشدر . ۵۹۷ نجی مادہ (مرور زمانہ اوغرار) جملہ سنی (حق ساقط اولور) شکندہ تثبیت ایتیش اولماسنہ نظراً بالضرور (حق ساقط اولماز) جملہ سنی دہ (مرور زمانہ اوغراماز) مفہومندہ تلقی ایلک لازم کلہ جکی فکرینی احساس ایدیور و بوتون مناقشہ نك اساسی دہ بورادن باشلايور . بناءً علیہ :
اولا -- ۵۹۷ نجی مادہ سرلوحہ نك دلالتندن مستفاد اولاجنی اوزرہ صرف مرور زمانہ عائددر .

ثانیاً — لاهی ضبطنامہ لرینہ نظراً ۳ سنہ لك مرور زمان عمومی ماہیتی حائزدر . چونکہ پولیچہ وجود ورن مخاطبك قبولیدر . مخاطب قبول ایتمکلہ او بورجی ادا ایدہ جکنی تعہد ایتیش اولور . ۳ سنہ ختامندہ آرتق مدیون اصلہ مراجعت امکانی قالمایجہ کفیلہ امکان مراجعتدہ قالماز .

ثالثاً — ۵۷۱ نجی مادہ نك یدنجی فقرہ سندن منفہم اولق لازم کلن معنی فکریجہ شو درمیان اولونان مدت ظرفندہ اخبارنامہ کہ ندرمہین شخصك حق ضایع اولمايور . برسنہ ظرفندہ کشیدہ جی بہ ۳ سنہ ختامہ قدردہ قبول ایدن کیمسہ بہ مراجعت ایدہ بیلیر . فقط وظیفہ اخباری ایفادہ تکاسل ایدن کیمسہ بوتکاسلندن متولد ضرری ضامن اولور .
مسألہ بی عمومی برمثال ایلہ توضیح ایدہ لم :

پولیچہ نك حاملی یدنجی جرائظہ در . ۵۶۹ نجی مادہ یہ نظراً حاملك کشیدہ جی وجرانظہ لر ایلہ سائر مسئلر علیہ حق مراجعتنی استعمال ایدہ بیلیمسی ایچون واضع قانون درت احتمالك وجودینی نظر دقتہ آلمشدر :

برنجی احتمال — حلول وعدہ دہ قبولدن امتناع وقوع بولش ایسہ ،
ایکنجی احتمال — حلول وعدہ دہ تأدیہ واقع اولماش ایسہ ،
اوچنجی احتمال — مخاطب افلاس ایتیش ایسہ ،
دردنجی احتمال — قابل قبول اولمیان برپولیچہ نك کشیدہ جیسی افلاس ایتیش ایسہ .
برنجی احتمالہ ، مخاطب پولیچہ نی قبول ایتیمور ، یعنی امضا ایتیمور . دیمک کہ تکمل ایتیش برپولیچہ موجود دکدر . بوسند صرف کشیدہ جینك اعتبارینہ استقداً تداول

ایتمشدر. ۵۷۱ نجی ماده موجبجه حامل عدم قبول کیفیتنی کنديسه تقدم ایدن جرائطه ایله کشیدهجیه وجرائطه دخی کنديسندن اولکی جرائطه کاتب عدل معرفتیه بیلدرمهک مجبوردر .

شمعدی فرض ایدهلم که حامل مقدم جرائطه به اخبار کیفیت ایتمدی . حق ضایع اولماز ، یعنی آلاجنفی کشیدهجیدن ایسته بیلیر . بوراده کی تکاسلی اولکی جرائطه له رجوع حقندن کنديسی محروم براقه بیلیر . دیمک که مجبورت اخبارده تکاسل جرائطه به مراجعت حقنی اسقاط ایدر . بو حکمک صحتنی اثبات ایده جک صراحته لاهی پروژیه سنده تصادف ایتمک ممکندر . فی الحقیقه پروژیه نک ۶۶ نجی ماده سنده (مخاطبه قارشی تمديد وعده به موافقت ایدن حامل زماننده پروتسو کشیده ایتهمش ایسه بو تمديد موافقت ایتهم بالعموم کفیلره حق مراجعتنی ضایع ایدر) ده نیلور . اثنای مذاکره ده بوماده تفصیلات زائده قیلندن کوریلدیکی جهنله طی ایدیلشدر . اخبار ایتهمک کیفیتیه حق مطالبه سنی تأجیل معناسی ویریه بیلیر . بو تقدیرده ایسه حق مراجعتی قالمازه پروژیه حاکم اولان اساس بو اولور .

ایکنجی احتماله : حلول وعده ده مخاطب پولیچه بدلنی تأدیه ایتبور . بوراده تام بر پولیچه مواجهه سنده یز حامل ۵۷۱ نجی ماده نک کنديسنه تحمیل ایتدیکی وجابی یایمغه مجبوردر . یالمازسه ۳ سنه ظرفنده مخاطبه مراجعت حق دائماً محفوظدر .
ایشته ضبطنامه لرك تدقیقندن متحصل قناعتم بوندن عبارتدر . . .

اسعد بکه تبع واقندن دولای عرض تشکر ایدلکدن سوکره مناقشه آچیلمش ودوقتور فریدبک اسعد بک فکر ومطالعهرینه اشتراك ایتهمشدر . موی الیه قانونده کی صراحت ، اطلاقه نظرأ هر جبرائطه ایچون مرور زمان مدتک آیری ، آیری اولدیننی و بناء علیه جبرائطه عددنجه مدتک متناسبأ آرتجغنی بیان بو تهزی مدافعه ایتهمشدر . اجتماعه حاضر بولنان عبدالرحمن منیب واجرا ریسی رفیق ، مدرس مصطفی رشید وعلی کمال وحیدی حلیم بکرده مختلف مطالعات وملاحظات درمیان ایدلکدن سوکره کرک اسعد بک افتدی وکرک دوقتور فرید بکرک تبعلرینک حاضرینجه تکرار مطالعه قلندندن وقطعی بر فکر مخصوص الیه ایدلکدن سوکره فرانز لساننه واقف بعض اجنبی حقوقشناسلر ایله برلکده موضوعک تکرار تدقیق نیجه سنه وارلشدر . ایلریده وقوعه کله جک اجتماعک خلاصه سی ده آیرینجه مجموعه منزه درج ایدبله چکدر .